

Per Un Dumane...

U sol'ardente strughje quassù
U nivaghjon'incuzzatu
Fend'un fiume chì, corre liberu
Slanciu fermu, mai dumatu

Stu sol'in pettu l'emu dinù
Schjarisce ogni bughjura
Ci reghje cum'un lume divinu
Sguassendu ogni paura

À bracciu tesu, manu aperta
Quant'hè cald'u core umanu
Fighjulem'avà quella verità
Senz'uchjera capu sanu

Finchè l'umanu fam'averà
Scuraghjinati seremu
Finchè catena omu averà
Liberi mai ùn seremu

Ognunu deve scappiassi
Inseme fem'a livata
Di più chè cusì fem'allargassi
A via di l'umanità

Sott'à duminu omu ma'più
Sciappemu tutt'e catene
Addunimuci è cun curaggiu
Custruim'u nostr'avvene

Finchè l'umanu fam'averà
Scuraghjinati seremu
Finchè catena omu averà
Liberi mai ùn seremu

U sol'ardente strughje quassù

U nivaghjon'incuzzatu
Fend'un fiume chì, corre liberu
Slanciu fermu, mai dumatu